

समे – 12:25 hrs.

<><><><><><>

Manmohan Singh Desmise

साबका प्रधानमंत्री मनमोहन सिंह हुन्दा कल नमी दिल्ली च कला होई गेआ। ओह 92 बरें दे हे। उनेंगी कल राती गंभर स्थिति च अखिल भारतीय आयुर्विज्ञान संस्थान-एम्स च भर्ती कराया गया। डॉक्टरें दी तमाम कोशिशें दे बावजूद उनेंगी बचाया नेई जाई सकेआ। उनें राती 9 बज्जिएं 51 मिन्टें पर खीरी साह लेआ। ओह केंई म्हीनं थ्वा करसी चला र दे हे। प्रधानमंत्री पी.वी. नरसिम्हा राव हुन्दे मंत्रिमंडल च डॉ. सिंह होरें वित्त मंत्री हे। उनें गी 1991 च शुरू होए दे आर्थिक उदारीकरण दे दौर च उन्दी अहम भूमिका लेई बी जानेआ जन्दा ऐ। ओह कांग्रेस दी अगुवाई आहली यू.पी.ए. सरकार च 2004 सोयां 2014 तक दो बारी प्रधानमंत्री रहे। ओह राज्यसभा दे 33 साल तक सदस्य रए। उन्दा जन्म 26 सितम्बर 1932 गी उसले दे अविभाजित भारत दे पंजाब राज्य च होआ हा।

<><><><><><>

Tributes

राष्ट्रपति द्रौपदी मुर्मू, उपराष्ट्रपति जगदीप धनखड़ ते प्रधानमंत्री नरेंद्र मोदी होरें साबका प्रधानमंत्री डा. मनमोहन सिंह हुंदे घरे जाईए उनेंगी श्रद्धांजली भेंट कीती ऐ। केन्द्रीय मंत्री अमित शाह, जे पी नड्डा, ज्यातिरादित्य सिंधिया, राजनाथ सिंह, ते कांग्रेस नेता सोनियां गांधी ते होरनें दुए नेताएं बी डा. मनमोहन सिंह हुन्दे घर जाईए उनें गी पुष्पांजली भेंट कीती ऐ। दुनियाभरै दे नेताएं बी भारत दे साबका प्रधानमंत्री डॉ. मनमोहन सिंह हुन्दा काल होई जाने पर

दुख ते अफसोस जाहिर कीता ऐ। ताई उप राज्यपाल मनोज सिन्हा ते मुख्ख मंत्री उमर अब्दुल्ला होरें बी डा. सिंह हुन्दा काल होई जाने पर अफसोस जाहिर कीता ऐ।

<><><><><><>

National Mourning

सरकारें साबका प्रधानमंत्री डॉ. मनमोहन सिंह हुन्दा काल होई जाने पर 7 दिन दे राजकीय सोग दी घोषणा कीती ऐ। इस दौरान पूरे मुख्खे च राष्ट्रीय झंडा अर्धध्वा झुके दा रौहग। ते कोई बी सरकारी कार्यक्रम आयोजित ई होग। डा. मनमोहन सिंह हुन्दा खीरी संस्कार पूरे राजकीय सम्मान कन्ने कीता।

<><><><><><>

PM-Mann ki Baat

प्रधानमंत्री नरेन्द्र मोदी अपने माहवार रेडियो कार्यक्रम श्मन की बातश् दे राएं औंदी 29 दिसम्बर गी देश विदेश च रौहने आहले श्रोताएं कन्नै बचार सांझे करडन। हर म्हीने दे अखीरले ऐतवारें दिनै 11 बजे प्रसारत होने आले इस कार्यक्रम दी एह् 117मीं किश्त होग। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाहग। एह्दे इलावा एह् प्रसारण आकाशवाणी खबरें दी वैबसाइट ते newsonair मोबाइल ऐप पर बी उपलब्ध होग। एह्दे कन्नो कन्नी आकाशवाणी समाचार, डी. डी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी एह्दी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा मकामी भाशाएं च एह्दा अनुवाद बी प्रसारण कीता जाहग।

<><><><><><>

Rana-PMAY - G

जम्मू-कश्मीर च राई-बाई ते ग्रामीण विकास मैहकमें दे मंत्री जावेद अहमद डार होरें प्रधानमंत्री आवास योजना- ग्रामीण दी सराहना करदे होई इसी मुख्य भै च लक्खां बद्धे लोकें लेई मेद दी इक किरण करार दिता ऐ जेहड़ी उंदे अपने घर दे सुखने गी सच करै करदी ऐ। जम्मू दे पंचैत भवन च प्रधानमंत्री आवास योजना - ग्रामीण बारे लोआई गेदी इक ध्याड़े दी कार्यशाला दरान बोलदे होई मंत्री होरें जम्मू-कश्मीर च इस योजना दे शानदार प्रभास पर लोस पाई। प्रधानमंत्री आवास योजना ग्रामीण तैहत हासल प्रगति पर लोस पांदे होई मैहकमे दे सचिव मोहम्मद ऐजाज़ अस्सद होरें दस्सेआ जे जम्मू-कश्मीर च इस योजना तैहत 3 लक्ख 35 जहार शा मते घरें गी मंजूरी दिती गेदी ऐ जिंदे चा 2 लक्ख 80 जहार मकानें दा कम्म सबूरा करी दिता गेदा ऐ जेहदा मतलब एह होआ जे कुल 83 फीसद लक्ष्य हासल करी लैता गेदा ऐ। उनें बरे 2023-24 दरान 67 जहार 780 मकानें दे निर्माण दा लक्ष्य हासल करने लेई मैहकमे दे सराहना कीती। उनें दस्सेआ जे 24 दिसम्बर 2024 तगर बादू 82 जहार मकानें दा कम्म सबूरा करी लैता गेआ ऐ।

<><><><><><>

Rana-Mendhar

जल शक्ति मंत्री जावेद अहमद राणा होरें जम्मू ते कश्मीर दे किश खिते च विकास सरबन्धी मुद्दे पर मिशन मोड कन्ने कम्म करने पर जोर पाया। मेंढर च इक पब्लिक दरबार च बोलदे हेई राणा होरें हर खिते दे बरोबर ते सामे विकास पर जोर पाया। उनें आखेआ जे एह उमर अब्दुल्ला हुंदी अगुवाई आहली सरकार दी पैहली प्राथमिकता ऐ। उनें आखेआ जे सरकारें पूरे

पराते विकास दा प्रण लैते दा ऐ ते अफसरें गी हिदायत कीती गेई ऐ जे ओह् अपने-अपने इलाके च लोकें लेई मौजूद रौहन।

<><><><><><>

Firewoods Rana

स्यालै आहली रूतै दे मददेनजर जंगलात मैहकमा हर जिले च बालन दी लकड़ी लेई डिपो कायम करोग तां जे आम लोकें ते इदारें दी मंग गी पूरा कीता जाई सकै। जंगलात ते पर्यावरण मंत्री जावेद अहमद राणा हुंदे आसेआ हाल च दिती गेदी हिदायतें मूजब जंगलातें सरबन्धी मुख संरक्षक होर डिपो लेई थाहरें गी मुकदा रूप देडन। एह डिपो मेद ऐ जे इक हफ्ते दे अंदर-अंदर शुरू होई जाडन।

<><><><><><>

Weather

सिंथन पास पर अज्ज ताजा बर्भबारी होई ऐ. जेदे चलदे इस रस्ते पर गड्डिएं दी आवा जाई बंद करी दिती गेई ऐ। जिला संवाददाता दी रिपोर्ट मूजब शिडक थवा बर्ष हटाने दा कम्म जारी ऐ। प्रशासन आस्सेआ लोकें गी सलाह दिती गे ऐ जे ओह् इस मौसम दे चलदे इस रस्ते पर सफर करने थवा परहेज करन। लोकें दी सुरक्षा प्रशासन दी पैहली तरजीह ऐ इस करी लोकें गी हिदायत कीती गेई ऐ जे ओह् बर्फबारी दौरान इस रस्ते पर नेई निकलन। ताई जम्मू शैहर च अज्ज हल्की बरखा बी पेई ऐ।

<><><><><><>